

薩摩訶薩從東北方悉來集此娑婆世界到王舍城行詣竹園頂禮佛足觀問訖已於一面坐時此三千大千世界諸大威德天龍夜叉捷闍婆阿脩羅迦樓羅緊那羅摩睺羅伽人非人等及一生補處諸大菩薩摩訶薩衆充滿其中無空缺處而此大衆以佛神力皆悉容受不相妨礙

廿五末

佛說華手經卷第五

使五

阿疇下直留反妙有上息淺反無恙下音樣病憂也觀問上渠
聲歎上苦頭反下苦蓋反頰佛上古叶反

佛說華手經卷第六

使六

三昧品第十九

姚秦三藏法師鳩摩羅什譯

爾時世尊見諸大衆普皆集會即於座上入佛首楞嚴三昧從首楞嚴三昧起入佛妙金剛三昧從妙金剛三昧起入佛知十方言音

差別三昧從佛知十方言音差別三昧起入佛無量莊嚴三昧從無量莊嚴三昧起入佛師子月三昧從師子月三昧起入佛師子奮迅三昧從師子奮迅三昧起入佛無邊緣三昧從無邊緣三昧起入佛光王三昧從光王三昧起入佛妙陀羅尼三昧從妙陀羅尼三昧起入佛無相生三昧從無相生三昧起入佛師子自在力三昧從師子自在力三昧起入佛淨月三昧從淨月三昧起入佛一相嚴三昧從一相嚴三昧起入佛衆相嚴三昧從衆相嚴三昧起入佛無邊光三昧從無邊光三昧起入佛大海三昧從大海三昧起入佛起一切法海法性定三昧從起一切法海法性定三昧起入佛示無邊願緣三昧從示無邊願緣三昧起入佛生一切無邊自在法三昧從生一切無邊自在法三昧起入佛一切法無住處三昧從一切法無住處三昧起入佛無邊光高華三昧從無邊光高華三昧起

入佛一切法思量淨印三昧從一切法思量淨印三昧起入佛一切法無垢印三昧從一切法無垢印三昧起入佛示無邊佛自在力三昧從示無邊佛自在力三昧起入佛一切衆生滅相三昧從一切衆生滅相三昧起入佛一切法如來所行三昧從一切法如來所

行三昧起入佛示無邊自在神通莊嚴三昧從示無邊自在神通莊嚴三昧起入佛三世無礙一切法性定三昧從三世無礙一切法性定三昧起入佛一切法中得自在力三昧從一切法中得自在力三昧起入佛攝一切法海自在印三昧從攝一切法海自在印三

昧起入佛堅固三昧從堅固三昧起入佛善通達三昧從善通達三昧起入佛無動三昧從無動三昧起入佛觀見一切法三昧從觀見一切法三昧起入佛普明三昧從普明三昧起入佛普觀印三昧從普觀印三昧起入佛無明闇三昧從無明闇三昧起入佛無見

使六

二

三昧從無見三昧起入佛一切法無礙無取三昧從一切法無礙無取三昧起入佛無盡相三昧從無盡相三昧起入佛無盡定三昧從無盡定三昧起入佛無盡緣三昧從無盡緣三昧起入佛一寶相三昧從一寶相三昧起入佛大莊嚴三昧從大莊嚴三昧起入佛無邊莊嚴三昧從無邊莊嚴三昧起入佛無瞋恨三昧從無瞋恨三昧起入佛示一切衆生善根三昧從示一切衆生善根三昧起入佛一切衆生種善根因緣三昧從一切衆生種善根因緣三昧起入佛一切入三昧從一切切入三昧起入佛一切法淨行三昧從一切法淨行三昧起入佛不現一切法三昧從不現一切法三昧起入佛照明莊嚴一切菩薩三昧從照明莊嚴一切菩薩三昧起入佛淨一切聲聞眼三昧從淨一切聲聞眼三昧起入佛一切衆生種無礙淨善根三昧從一切衆生種無礙淨善根三昧起入佛息三惡趣

苦惱三昧從息三惡趣苦惱三昧起入佛一切佛土中衆生種善根三昧從一切佛土中衆生種善根三昧起入佛不動變三昧佛在是不動變三昧中時淨居諸天以偈讚言
佛住不動變 威德如須彌 壞諸外道論特映大千界 其心無能見 入無依止定

使六

三

入定而無依 是佛不思議 為壞聚疑網哀愍故說法 無疑常處定 三明出三界
大智德菩薩 今皆集此會 佛無疑在定
唯願汝衆疑 佛定不依眼 是定聖所讚
非二無眼相 在定若依眼 亦復非不依
佛則爲虛誑 知眼無所有 故佛定無依
佛不依六根 亦復非不依 外道迷此義
世間所不解 華手經求法品第二十

爾時世尊從不動變三昧安詳而起告舍利弗諸菩薩摩訶薩有四法行得不退智獲大慈悲諸三昧慧亦能無礙遠佛十力又於諸

法得分別慧得無礙辯無斷辯捷疾辯樂說辯深辯利辯無等辯才得諸總持常見諸佛以信出家奉修正法世間所生財利無匱眷屬無減色像無乏身無殘漏眼耳鼻舌身根無毀言辭無短心智無闇不行邪道志無散亂念無錯謬憶本昔事得上慚愧常善思惟離一切惡世間轉身不忘正念不失本願謂諸佛所植無量果衆善根本無我我所但爲一切衆生共之無衆生相雖分別法無所依止以無依止故魔若魔民及諸邪道不能沮壞必至道場坐道場已住一切法思量淨印三昧以一念相應慧諸所有法可知可識可得可斷可證可修若有漏若無漏若世間若出世間若近若遠若麁若細若長若短若過去未來現在若心所行若智所行若心所量若智所量若心所緣若智所緣若心所想若智所想若在心數若在法數若衆生數若假名有若實法有摠相別相及諸說者所因說

法若所說事以何故說若以語言若以事相
若垢若淨一切世間種種言辭所謂眼諸名
字耳鼻舌身意諸名字手足髮毛種種支體
此諸名字亦外法中所有一切地水火風種
種生處差別名字日月名字梵釋諸天夜叉
名字隨其相有隨其相說隨所分別及所貪

使六

四

著若因若緣若道若行若縛若解若方便若
轉進若智若慧若智方便及諸世間種種技
術若好若醜如是等事住一切法思量淨印
三昧以一念相應慧通達究竟斷煩惱習一
切無餘何等爲四舍利弗有菩薩摩訶薩建
大乘心爲深利益多衆生故發大莊嚴作如

是念一切衆生貪欲瞋恚癡熾盛空無善
行死墮大坑少可救者我今當爲此等衆生
集大智藥以救療之令出三界當爲衆生作
不謗師治之令得不壞相法謂不壞色受想
行識亦得不壞至涅槃道諸菩薩等發是心
時爲求法故起大莊嚴何謂爲法諸有能助

使六

五

得解菩薩以是說法因緣當得最上佛所聽
許智者所讚如是四法何謂爲四一於佛法
得不斷念及決定念二身能作堪受法器三
爲諸佛對揚法化四能逮得諸陀羅尼出世
轉身能行佛法所生不墮邪見之門於佛法
中常樂出家厭離五欲是爲四法菩薩以是

四法善根因緣當得十法何謂爲十於諸法
中能斷疑悔知諸衆生心之所樂能得諸佛
無礙解脫以是解脫佛身毛孔一一皆出百
千萬億無數光明一一光照百千萬億阿僧
祇界光光皆有百千萬億阿僧祇數妙寶蓮
華一一華上皆有坐佛一一諸佛以一說法

無上菩提集諸佛法謂斷衆疑令衆歡喜菩
薩藏經讀誦受持如說修行隨諸衆生根有
利鈍而爲演說菩薩如是專求法時乃至能
得一四句偈甚深方便有要義趣佛之所說
若受若持讀誦書寫乃至能爲一人演說先
作是願欲令此人隨順是義一切衆生亦皆

悉能度脫百千萬億無數衆生得不壞法如來以是解脫力故一一毛孔所現光明皆出百千萬億火燄如須彌山亦出恒沙諸大流水以是無礙解脫力故能以三千大千世界內一毛孔棄著他方過于無量恒沙國土而諸衆生無所燒害亦復不覺有往來想舍利

弗以是無礙解脫力故能解十方一切衆生言辭差別亦悉了知十方世界一切衆生百千萬億阿僧祇劫心念相續亦斷無量阿僧祇界無佛法處衆生所疑又以無礙解脫力故能知衆生調伏熾然及次第心知一切法差別之相亦決定知畢竟皆空而於是中無

我我所捨離一切諸有爲相所以者何如來推求有爲法中多諸過患離諸功德無一可取以如是知故得此法舍利弗如來以是解脫力故復有四法何謂爲四一者悉斷煩惱及習二者佛行路時若有衆生觸其足者日受樂三者如來右迴身時地深八萬四千

由旬如輪旋轉四者常定初無退失舍利弗取要言之菩薩求法盡能攝取一切佛法爾時世尊欲明此義而說偈言
若人求佛智 當深恭敬法 及欲大慈悲 到智慧彼岸
及知衆生心 當深恭敬法 能動三千界
若欲以一念 遍知一切心 是心無形色 如幻不堅固
以恭敬法故 常得上果報 亦能證諸佛
無量無邊法 在在所生處 以恭敬法故 常得不失念
祇大

常不失妙色 正念常增長 以恭敬法故 以恭敬法故
能得值諸佛 常得不失去 心分皆具足 亦能證諸佛
能深供養佛 妙處所生處 以信力常增長 以是信力故
離穢惡五欲 常樂行出家 不以戒自高 以求真智慧
安住持戒寧 但為求禪定 而不以爲足 而不取慧相
常樂得諸禪 以是信力故 以求真智慧 得諸法慧明

能深供養佛
離穢惡五欲
安住持戒寧
常樂得諸禪

妙處所生處
常樂行出家
但為求禪定
以是信力故

不以戒自高
以求真智慧
而不取慧相
得諸法慧明

佛所讚揔持 堪任爲法器
是人以佛護 得四無礙智
利衆故說法 三時守護法
常爲佛所讚 能大利衆生
龍神等恭敬 諸佛所護念
名稱常不滅 好行諸善行

常修行佛道 常照然法明
能淨智慧性 滅衆生憂惱
終不說邪徑 優行最勝法
是人不依心 亦復非不依
故無所依止 以此無依心
遊行大衆聚 而心無所著

適無所繫屬 不貪名利養
無有諸瑕穢 心淨如虛空
而不恭敬者 誰見是菩薩
得是佛法故 是故聞此法
無有所限礙 能大利衆生
復次舍利弗若菩薩摩訶薩爲求法故當學

使六

七

多聞多聞方便何謂多聞多聞方便舍利弗
其多聞者從他所聞多聞方便者能自思量
專心正念從他聞者諸佛所說順道之言所
謂修多羅祇夜闍迦羅那伽陀憂陀那尼陀
那阿波陀那伊帝目多伽闍多伽廣經未曾
有經憂波提舍是則名曰從他所聞順道之
言何謂思量專心正念於法方便善知五陰
十二入十八界十二因緣從緣生法是白是
黑是好是醜分別揀擇皆入法性法相法位
如是通達名爲正念所以者何舍利弗如來
方便演說五陰而非五陰說十二入及十八
界而非界入說十二因緣而非因緣說法從
緣生而無定相爲度衆生作如是說是故汝
等當依於義莫依於語凡夫無智隨逐言說
智者隨義舍利弗何謂言說所有言音文字
差別取相推求可知可識可見可斷可證可
修有相無相隨心心數可疑悔處有此有彼
分別宣示如是等法皆名言說舍利弗何謂

爲義宣說所示是名爲義若分別義即名言說是故舍利弗當知義者不可言說以斯義故我經中說如來不與世間共諍世間與我諍舍利弗唯有如來能方便說陰界諸入十二因緣從緣生法餘無能者舍利弗佛所說法及選擇法無有諍訟何謂爲法云何選擇舍利弗眼即是法耳鼻舌身意即是法所以者何是眼過去未來尚空何況現在所以者何眼性自爾是故名法耳鼻舌身意去來尚空何況現在所以者何意性自爾故名爲法云何選擇選擇眼者眼從緣生空無定相若有定相應眼得眼若眼得眼則有二眼如是亦應內有見者有如此答耳鼻舌身意亦如是如是選擇名爲法眼於此義中正見大士應當觀察眼假名字眼及眼法是三事中何者爲實作如是知三事皆空但有言說無一真實所以者何諸有言說皆是識處識所知法皆是世間若世間法非出世間不出世間

使六

八

是外道義若外道義則非佛說所以者何佛所言說有出世間出世間法則無言說言語道斷心行處滅是故如來雖復言說而無所著亦不決定分別眼相從善不善業因緣生所以者何眼是有分何謂有分從十二緣出生三有舍利弗何故名有自念我當得如是眼種種分別好樂眼果以受諸塵者眼是我眼是我所故名有分復次衰滅而復熾然一切苦惱謂我我所墮在二邊故名有分舍利弗譬如銅器擊之有聲汝謂此聲爲從外來爲在內有答言世尊是聲但從衆因緣有非內非外佛告舍利弗汝通達此衆緣法耶答言不也佛言此聲本無所有但假衆緣誑惑耳根如是凡夫於空眼中而生貪著眼中眼相終不可得如是推求無所貪著是各選擇所謂無眼亦無眼相耳鼻舌身意亦如是爾時世尊欲明此義而說偈言

雖說眼無常 眼即無所有 若眼無所有

誰爲無常者
若耳無所有
鼻即無所有
雖說舌無常
誰爲無常者
若身無所有

雖說耳無常耳即無所有
誰爲無常者雖說鼻無常
若鼻無所有誰爲無常者
舌即無所有若舌無所有
雖說身無常身即無所有
誰爲無常者雖說意無常

能正觀察者當斷諸疑悔
無疑亦無悔
無冥盡無餘
善寂無所畏
於法無所礙
菩薩摩訶薩
能自除惑網
爲斷法中疑
以是上妙論
爲滅諸戲論
汝等勿生疑
言說皆諍訟
哀愍衆生故
顯示法實相
因之墮惡趣
若人貪著此

當斷諸疑悔
寢冥盡無餘
善寂無所畏
決定住實相
菩薩摩訶薩能自除惑網
爲斷法中疑
爲滅諸戲論
以是上妙論
汝等勿生疑
因之墮惡趣
若人食者此

意即無所有
其意無所有
誰爲無常者
隨是十二入
應有十二入
凡夫隨名字
亦不分別我
寂滅中無法
如狗逐瓦石
知我但假名
可名寂滅者
是人得寂滅
是法中無去
亦無有去者
則知寂滅相
若人通達此
斷諸語言道
無我無衆生
是分別亦空
於法不見遠
亦復不見近
是心亦非有
不分別有無
是分別亦空
於法不見遠
亦復不見近
得是慧眼者
自知寂滅義
若人聞是法

不任演正法。如是名隨義。則無有憂患。
亦近無上道。能行是義故。
復次舍利弗。昔薩摩訶薩於四事中應勤。勤精
進。何謂爲四。爲出家故。勤行精進於遠離處。
勤行精進於佛教中。勤行精進見苦。衆生勤
行精進爲症。逮得無上菩提作是念言。我當
何時得大智慧滅衆生苦而爲說法。舍利弗。
我當爲汝說諸菩薩勤行精進能疾得成無
上菩提。汝當詣聽。舍利弗乃往過去無量無
邊不可思議阿僧祇劫爾時有佛号曰安王
壽七萬歲。爲聲聞衆三會說法。其初會者二
十億人得阿羅漢。第二大會四十億人得阿

羅漢第三大會六十億人亦得羅漢時間浮
提極大廣博九萬由旬中有八萬四千大城
一一皆長十二由旬廣七由旬金銀琉璃頗
梨真珠車渠瑪瑙七寶合成其城第一清淨
莊嚴人民熾盛豐樂安隱其城七重有七重
塗俱亦七寶一一塗中皆有流水周迴圍遶

使六十

青黃赤白雜色蓮華羅列水上鳬鴈鴛鴦鴻
鵠孔雀生生異類遊戲其中諸塗岸上皆有
七寶所成七重行樹金樹銀枝瑪瑙為條瑠
璃為葉頗梨為華車渠為果赤真珠為根銀
樹金枝頗梨為條瑠璃為葉車渠為華瑪瑙
為果赤真珠為根瑠璃樹者車渠為枝瑪瑙
為葉銀華金果頗梨為根車渠樹者瑪瑙為
枝珊瑚為條銀葉金華頗梨為果珊瑚為根
瑪瑙樹者珊瑚為枝銀條金葉頗梨為華瑞
琉璃為果車渠為根珊瑚樹者金枝銀條頗梨
為葉琉璃為華車渠為果瑪瑙為根諸城各
有八萬園林縱廣正等二十由旬七寶牆壁

七重圍遶其諸園中皆有七寶七重樓閣七
寶欄楯七寶羅網彌覆其上寶塗七重莊嚴
如城是園林中有種種樹謂栴檀樹諸沉水
樹迦羅那等種種香樹諸音樂樹亦有種種
華樹果樹器物諸樹衆飲食樹其中亦有金
樹銀樹琉璃頗梨車渠瑪瑙珊瑚諸樹有種
種華所謂阿提目多華瞻葡萄利師華陀
菟伽梨華文陀羅華和利華多羅利華劬多
羅利華曼陀羅華五色華月上華有如是等
種種諸華園中各有七百大池縱廣五里八
功德水充滿其中其池皆以七寶莊嚴底布
金沙有四寶梯寶網羅覆青黃赤白雜色蓮
華遍布水上時闇浮提王名曰健德於此八
萬四千大城皆置宮殿一一宮殿皆有八萬
四千妓女以為眷屬於諸城中有一大城其
城廣大四十由旬長八十由旬是健德王止
住其中此城皆以殊勝七寶莊嚴如上豐樂
安隱人民充滿此大城中有王宮宅方十由

使六十一

有妙七寶成是宮宅中有諸殿堂種種樓館
中有大殿名曰法殿端嚴殊妙如釋勝殿此
宮宅中有好園林名爲善法是園林中有種
種樹華樹香樹諸音樂樹及瓔珞樹衣服飲
食種種諸樹其中亦有七寶諸樹莊嚴其園
是王宮宅方整嚴事廣博高顯有大高臺七
寶嚴飾七寶幃帳張設其中舍利弗是健德
王第一夫人生一太子昔曾供養無量諸佛
端正殊妙衆所愛敬有大威相福德具足王
與大城令住其中太子生日此城中有四十
億女一時俱來王即告勑令給太子以爲眷
屬王及夫人集諸大臣與子立字名曰妙德

太子遙見心生厭離閉門不前作如此念是
諸衆生貪欲熾盛多諸惱患我願欲得此大
智慧最勝之身若我與此貪欲惱病衆生同
者有何差別我是行人彼非行者是諸衆生
瞋恚熾盛多諸惱患我願欲得是大智慧最
妙之身若我與此瞋恚惱病衆生同者有何
便六
十二
差别我是行人彼非行者當自調伏於衆生
中不生瞋惱是諸衆生愚癡充滿多諸惱患
我願欲得此大智慧最上妙身我若與此愚
癡病衆生同者有何差別我是行人彼非
行者是諸衆生慳嫉所纏多諸惱患我若同
此慳嫉衆生有何差別我當滅諸貪欲恚癡

於衆生中起大慈悲爲求正道以是正道捨離一切貪欲瞋恚愚癡慳嫉諸不善心既生如是獸離心故便深樂法不貪嬉戲獨坐思惟離諸憒鬧時健德王及大夫人俱聞太子不樂嬉戲獸離五欲見諸姝女制不令人便生念言誰爲不可燒亂太子令不復喜五欲娛樂獸見女色我等便可自往問之作是念已王及夫人往太子所說偈問言汝法殿清淨 姝女亦充滿 諸樹莊嚴園汝何故不樂 如是大城中 法殿甚高廣遍見四天下 汝何故不樂 何人爲不可燒亂汝心者 汝今愁獨處如商又失寶我爲汝父母 當具以實答 何人今可治我得自在故爾時太子以偈答言無人爲不可 如何當妾言勿以惡加人但當自治心 我遊戲水上 見佛身相好如閻浮金聚 光明照十方 珠光及日月

大燈星宿光 佛光映不現 我見如是相即時願欲得 如是智慧身 當度老病死
汝禰苦衆生 得身相智慧 勢力不思議
當廣利衆生 令得出生死 我息諸欲樂
姝女及眷屬 今出家行道 隨學當作佛
出家被法服 勤修習善法 父母可出家
俱共修是道 當修行正法 在五欲不安
愛欲害善法 欲縛最堅牢 餘無能斷者
唯我獨遠離 行是遠離故 當得佛智慧
佛法中出家 若作障礙者 是人則無利
我裏彼故說 國財子何益 富貴皆無常
若今不放捨 不久亦分散 以因出家故
能生衆善法 往來生死中 出世受衆苦
如是展轉生 空無決定子 於法無正觀
但著假名字 莫以子起罪 共於法出家
我父離諸難 俱是無難時 得具足人身
父乃信善法 得值安王佛 今可共出家
妙德太子說是偈已即便行詣安王佛所頭

面禮足合掌向佛而說偈言
我生魔網中 增長諸邪行
願佛聽出家 我父縛堅固
斯無堅寶樂 但是衆苦本
壞裂衆魔網 於佛法出家
我深畏諸欲 受欲終無安

欲爲癡畏法 富捨行佛道
今欲壞裂之 自亦處界縛
於欲解諸縛 成佛兩足尊
欲爲癡畏法

舍利弗時安王佛即聽妙德出家受戒有諸人衆八萬四千并餘眷屬及姝女等皆隨出家復有百億諸善知識亦隨出家王聞太子出家學道即嚴四兵從諸大臣詣安王佛所頭面禮足於一面立合掌向佛而說偈言

出家無惱熱 寂滅安不動 是衆樂之本
願依佛出家 捨國財妻子 及所珍眷屬
受衆欲無厭 是法常弊穢 若受妙五欲
凡小智所行 修佛所讚法 滅一切衆苦
捨國城所有 施佛及衆僧 願佛聽出家
成佛普見尊 爲大利衆生 度一切苦惱

使六

十四

欲令離諸難 離難得寂滅 時佛歡喜讚
善哉發大心 能敬佛深智 善來聽出家
王既聞聽許 心生大歡喜 必成兩足尊
蒙佛安慰故 時王即出家 及諸四種兵
皆發菩提心 當成無上道 是衆出家已
皆逮無生忍 於此處命終 悉得生天上

得值大名聞 二十億諸佛 皆於諸佛所
出家行正法 是等常精進 得智無所畏
能大利衆生 令脫無量苦 所值遇諸佛
皆受持正法 但爲廣流布 而不惜身命
得如是大果 最上妙智慧 證不思議法
誰不求佛道

佛告舍利弗汝謂彼時健德王者豈異人乎
即我身是妙德太子堅意菩薩摩訶薩是如
是舍利弗菩薩摩訶薩以樂法故見諸衆生
煩惱苦逼起大慈悲教化令住善法因緣漸
得解脫復次舍利弗諸菩薩摩訶薩樂深法
故而求深法亦爲衆生說是深法何謂深法

諸精進者之所能行其精進者即諸菩薩摩訶薩衆求無上道不退者是斯等皆能深達諸法云何深達若求眼相即是假名非爲深達法相名爲非內非外非我我所非垢非淨不生不滅所以者何性常自爾如是法性無作非作是名通達眼甚深法求耳鼻舌身意

使六

十五

相者即是假名非爲深達法相名爲非內非外非我我所非垢非淨不生不滅所以者何性常自爾如是法性無作非作是名通達意甚深法舍利弗其甚深者即法實相若取法空即是妄取若取無相是則爲相若取無願是亦爲願舍利弗法性本來不增不減是則名爲深達諸法故說菩薩摩訶薩等爲精進者舍利弗以何義故說名菩薩能諦了知無衆生法故名菩薩復次是人所行智慧爲首故名菩薩又令衆生知所行法皆無所有故名菩薩又舍利弗無所有義是菩薩義無所顯示是菩薩義故菩薩義無二無礙又舍利

弗不過不沒是名菩薩又舍利弗空是菩提何謂爲空無一切法故名爲空舍利弗若於法中乃至決定有毫末相即是著相著我著人著衆生相著諸法相是空法中無此諸相故名爲空空即菩提以是義故一切諸法皆名菩提舍利弗汝當隨順如來教行勿違逆也所以者何諸佛菩提第一甚深一切凡夫所不能及舍利弗且置凡夫一切聲聞辟支佛人不見不觀不能通達諸佛菩提離盡智見無生智觀以何法盡名爲盡智無法可盡諸法離盡入畢竟盡故名盡智而不能知於念念中爾所滅盡爾所未盡故說聲聞辟支佛人不能通達諸佛菩提舍利弗無生智者於諸法中尚無少生能如是知名無生智而不能知於念念中爾所無生及未無生一切聲聞辟支佛人無如是智是故佛智名爲無等餘無及故復次是智等無邪正故名平等舍利弗如來慧者正覺究竟無有錯謬故名

佛慧是佛智慧無量無邊阿僧祇劫求之乃得故名爲覺舍利弗何故如來名爲覺者一切衆生長寢生死若遇若沒不能通達唯有菩薩獨能覺悟故名覺者又舍利弗正覺諸法故名覺者云何正覺知一切法非法非法非法非垢非淨亦非過去未來現在隨順是相

使六

十六

故名覺者亦覺無法若生若滅若來若去故名覺者舍利弗是覺義者無量無邊不可思議難得崖底譬喻如大海其水一味不增不減悉受衆流而不盈溢漸次轉深甚深第一舍利弗如來大海亦復如是空無生滅一解脫

味次第說法名漸轉深得一切智名深第一

究盡通達無上菩提一切法中無錯謬故名無增減一切問難無能窮盡故名難溢能集一切諸善功德名受衆流舍利弗若我盡說如來義者誰能堪受如婆伽龍王欲降大雨但注大海餘無能受如來亦爾若盡開演佛智慧者一切衆生乃至聲聞及辟支佛無能

堪受但諸菩薩發大乘心佛加神力則能受持舍利弗世有四事爲最難得何謂爲四得人身難生中國難信佛法難既信解已能問所應是爲甚難此四難事汝等皆得今當門佛諸法中疑我今聽汝一切世間諸天人等恣意所問如來不久當入涅槃無從後悔時

舍利弗即從座起偏袒右肩右膝著地合掌向佛白佛言世尊欲有所問唯願聽許佛言聽已今隨意問當爲汝等隨所問答舍利弗言唯然世尊我今當爲上行菩薩諮詢如來即說偈言

安住上功德 修淨道高尊 樂行柔和忍

使六

十七

當問如是行 菩薩云何施 施已心歡喜
云何發善心 當大利衆生 云何持淨戒
忍辱柔和心 云何行精進 不退不休息
見苦惱衆生 云何加矜愍 深心樂菩提
唯願世尊說 云何無量劫 莊嚴菩提道
心終不退沒 而生大歡喜 云何行禪定

及修習智慧 云何應求法 以成多聞者
何等法應聽 何等法應離 發菩提心行
我今問是事 云何求正法 於中深欲樂
云何離諸欲 離已能出家 云何出家時
能生歡喜心 云何心迴向 云何能出家
云何心迴向 能起方便力 功德巍巍尊
常不忘正念 亦能見諸佛 云何處胎中
亦能見諸佛 而無所障礙 常習菩提心
慈心薄瞋恚 云何薄愚癡 云何薄貪欲
云何生王家 亦修治國事 心常無錯謬
常得生善處 云何治國事 而能離諸難
亦感諸如來 常能見諸佛 而心常歡喜
端嚴常第一 亦具足眷屬 云何具身色
云何所生處 常厭離家屬 皆發菩提心
無有貪著心 云何出家已 常樂行出家
於佛滅度後 能守護正法 悉能安慰之
而得無亂心 見惱亂衆生 云何處亂世
云何聞能持 入陀羅尼門 以無礙辯才

能說無上法 云何知衆生 種種差別心
云何於善法 而能自調伏 為諸菩薩故
我問二足尊 是諸菩薩行 唯願分別說
若人爲佛法 而發菩提心 是人聞佛說
則生大歡喜 佛於一切法 智慧無障礙
我以有限智 而問於世尊 我雖有所問
不能盡通達 所不能問者 願佛具演說
華手經歎德品第二十一

爾時佛告舍利弗言善哉善哉汝能問佛菩
薩摩訶薩深行佛道住淨功德樂柔和忍如
是等事汝之功德不可限量所以者何諸菩
薩摩訶薩能爲難事譬如有人欲以三千大

使六

十六

千世界所有衆生移置一處是事難不捨利
弗言甚難世尊佛言欲比菩薩所爲難事於
百分中尚不及一百分千分百千萬分乃至
譬喻所不能及舍利弗置是三千大千世界
所有衆生如劫燒時三千世界爲一火聚若
人能以一吹令滅一吹還成若大鐵圍須彌

諸山及大海水一切國土宮館園林聚落城邑還復如故汝意云何是人所作寧爲難不舍利弗言甚難世尊佛言欲比菩薩所爲難事於百分中尚不及一百分千分百千萬分乃至譬喻所不能及又舍利弗譬如有人欲以足爪破散三千大千世界是人名爲現大力不答言出尊其力甚大佛言欲比菩薩所現大力於百分中尚不及一百分千分百千萬分乃至譬喻所不能及又舍利弗譬如三

千大千世界所有地種止於水上水止於風若有一人乃從風際舉此世界若置頭上若有荷負蚊脰爲梯循之而上乃至梵天而不墜落汝意云何是人巧便爲難事不舍利弗言是人巧便持此三千大千世界循蚊脰梯上至梵天而不墜落是爲甚難舍利弗如來今當告汝誠言欲比菩薩方便大力於百分中尚不及一百分千分百千萬分乃至譬喻所不能及所以者何諸菩薩摩訶薩成就無

使六

十九

量身心精進深發大願行大方便起大智慧成大勢力求大無畏大覺明眼求大慈悲及不虛行象王迴觀師子奮迅無見頂相求如意等諸佛大法亦求無比最勝威儀第一之行無比功德無比柔和行無比施持戒忍辱精進禪定智慧方便通達法相如來無比自在神力三輪示現善解一切衆生深心及心所行願解一切衆生假名願解一切衆生解脫解脫知見願解一切衆生止觀願解衆生所修行道及所得果願知衆生所解諸諦願解十方一切衆生音聲語言種種差別願解衆生貪著深淺及離貪著願諸法中得無受慧願解諸法空業報慧舍利弗取要言之諸菩薩摩訶薩所求所願智慧功德及隨願行隨行得果是諸事中無可爲喻無說因緣如是大願莊嚴功德唯佛能知若近佛者乃能得解舍利弗汝諸聲聞隨信能入諸菩薩等以信解知汝能爲此大功德者問佛是事今

當爲汝說少分耳所以者何汝之所問菩薩事者非可一日一月一歲百歲千歲百千萬歲乃至一劫百劫千劫百千萬劫所能說盡舍利弗當知是事無量無邊不可思議阿僧祇劫乃可說之舍利弗如來了知諸菩薩等

最初發心下劣一念功德果報百千萬劫說

不能盡況復一日一月一歲乃至百歲所集

諸心功德果報豈可說盡所以者何菩薩摩訶薩求大智時能起無量功德因緣舍利弗諸菩薩等所行無盡欲令一切衆生皆住無生法故舍利弗諸菩薩等所行難知求深法故諸菩薩等所行甚深於一切法不依止故

菩薩所行無邊無等以佛智慧無邊無等故諸菩薩等所行無盡無有齊限行爾所施爾所便止是物可施是物不可施是人可與是人不可與菩薩施者捨一切物等與衆生菩薩持戒亦不齊限日月歲數乃至盡壽但於無量阿僧祇劫常爲十方一切衆生及佛道

故修行淨戒是菩薩業舍利弗菩薩摩訶薩所爲事業一時止息謂坐道場住一切法思量淨印三昧以一念相應慧究竟通達一切諸法

華手經驗行品第二十二

佛告舍利弗應以三事驗菩薩心何謂爲三一者能捨一切所有而不望報當知是爲真菩薩心三者求法無所貪惜寧失身命而不捨法是則名爲真菩薩心三者不逆甚深之法以信解力入佛菩提不生疑惑是亦名爲真菩薩心以是三心驗諸菩薩又舍利弗復有三事驗菩薩心何謂爲三常勤精進求法不倦謂是大乘菩薩藏經以是經故自增善根亦能增長衆生善根常隨法師恭敬供養若過千歲乃能得聞善根相應一四句偈聞已隨順不違不逆不沒不退追隨法師益加恭敬但自咎責我以宿世障法罪故不得聞法非法師各今當親近隨從法師令我一切

障法罪業皆悉消滅是亦名爲真菩薩心是故當知菩薩摩訶薩深心求法隨逐法師則能成就一切佛法舍利弗乃往過去過無量無邊不可思議阿僧祇劫劫名妙智爾時有佛号普德增上雲音燈壽命半劫聲聞衆會數如恒沙一一會中恒河沙人皆具三明得

使六

其一

共解脫大阿羅漢菩薩衆會數如聲聞一一會中恒沙菩薩得無生忍住不退地初發意者不可稱數普德增上雲音燈佛將入泥洹時於百億間浮提中一一各置一大法師皆加神力彼佛滅後法住八百千萬億那由他歲爾時於此間浮提中所置法師名曰聲明爲彼如來加其神力隨法住世守護法城修菩薩行得無生忍住不退地彼佛滅後八萬億歲聲明法師遊歷諸國從邑至邑處處演說普德增上雲音燈佛無量無邊阿僧祇劫所集佛法舍利弗時間浮提邊境有城名曰堅牢於此城中有一居士名曰堅衆其年少

壯主治諸城生如是心我當云何能集智慧以是智慧能令衆生修行法事捨離俗業作是念已即時有天而告之曰居士當知有佛出世号普德增上雲音燈今已滅度爾時居士聞佛名字心生歡喜又聞滅度即大悲泣天問之曰汝以何故先生歡喜而後悲泣居士答言我從汝聞有佛出世心生歡喜又聞滅度失大利故所以悲泣天又告言汝勿愁憂普德增上雲音燈佛臨滅度時以神通力加一法師名曰聲明佛之法藏皆悉受持即是彼佛知法藏人居士問曰聲明法師今在何所答言居士法師人在迦毗羅城於此東方過三百六十由旬堅衆居士聞是語已明日即持八十億金千寶瓔珞與多眷屬俱詣彼城到已推求法師住處見法師已稽首禮足於一面立聲明法師爲說甚深清淨妙法謂斷衆疑令衆歡喜能集一切菩薩善根是大乘經爾時居士聞經歡喜持金瓔珞爲敬

法故奉上法師亦以自身供養給侍舍利弗
堅衆居士爲求法故勤心恭敬供養法師常
隨親近欲得是經書寫受持讀誦修行從初
聞已六十億歲常隨法師於其中間更不得
聞何況書寫受持讀誦居士供養聲明法師
於爾所歲心不捨離不生欲覺瞋覺惱覺常

使六

六二

立法師所住門外晝夜侍衛初不睡卧時有
惡魔名常求便爲求堅衆居士短故變爲聲
明法師之身與一女人共爲欲事作是變已
示居士言汝觀汝師常謂如佛智慧第一多
聞如海汝今且觀行非法事云何教他修行
淨戒而自毀禁汝師自謂修梵行者而壞梵
行常爲人說行深淨法而今云何自爲非法
居士可止捨離是人勿以爲師汝持淨戒少
欲知足樂離精進堅念智慧汝自成就如是
功德云何以此人爲師堅衆居士時作是
念我在本舍有天來言有佛出世号普德增
上雲音燈今已滅度臨滅度時皆與百億闍

浮提中一一法師加其神力閻浮提有一法
師名曰聲明彼佛所說皆能受持是彼如來
持法藏人汝往親近我聞是說以爲大利即
便行詣此法師所爾時法師即爲我說斷衆
生疑令衆歡喜菩薩藏經引導我心我時歡
喜以大供具奉上法師亦以自身供養給侍

我以此事謂爲真實今是人來示我法師如
是過各所不應行當知魔事所以者何佛所
護念加神力者若作斯事無有是處此或是
魔或是魔民或魔所使所以者何聲明法師
所說法中無有是事我當觀察求女人相及
女人法推求男相及以果法我若隨此虛妄

使六

七三

相者無惡不作所以者何一切罪業皆從憶
想分別故生若我隨所見相輕恚法師亦能
謗佛毀逆佛法是法師者爲普德增上雲音
燈佛神力所加今當立誓若是法師爲彼如
來所加神力我亦復是深求法者以是因緣
此不淨相便應消滅即時合掌一心念佛說

是誠言時此女相滅不復現堅衆居士滅魔事已而作是念我以一心如是求法聲明法師不爲我說即是魔事亦復是我宿世障法罪業因緣非法師咎我當自勉勤行精進滅諸魔事思惟是已而猶恭敬隨逐法師不生瞋慢舍利弗汝觀居士其心清淨堅固難沮

從初聞已六十億歲於其中間更不得聞猶故深心恭敬隨逐常求魔便如是誑惑而心不異轉加宗敬心信清淨堅衆居士過六十億歲於此命終生于上方第千世界界名無諱彼國有佛号曰大肩一會說法諸聲聞衆九十六億堅衆菩薩時生王家生時有天來語之言汝以一心求法因緣是大果報堅衆聞已作是念言若如是者我從今已當更求之生千歲已於大肩佛法中出家佛爲說法以本願及佛神力得識宿命大肩如來所說法藏皆能受持於半劫中修行梵行教化無量無數衆生皆令得住阿耨多羅三藐三

菩提命終之後次復值佛号須彌肩生七歲已於佛法中出家求道是人堅念本願因緣佛神力故須彌肩佛所說法藏盡能受持從大肩佛所聞之法亦憶不忘如是展轉得值六十百千萬億那由他佛諸佛所說皆能受持讀誦解說修行從是以後堅衆菩薩多聞

智慧如大海水無濁無盡等如虛空清淨深妙難測崖底舍利弗汝意或謂堅衆居士聞天言已持金瓔珞到法師所聞法歡喜以奉法師亦以自身恭敬給事爲求法故常隨法師六十億歲更不聞法常求魔便如是誑惑見聞師過而不瞋礙一心隨逐至命終者是

使六

共四

異人乎勿造斯觀即錠光佛是舍利弗汝觀菩薩深心精進如是求法得大果報是故當知諸菩薩摩訶薩深心求法疾得阿耨多羅三藐三菩提舍利弗聲明法師猶爲諸佛三時護法今在此會舍利弗復有三事驗菩薩心一者菩薩專心求法則能遍行一切衆行

是爲初心又舍利弗菩薩若求無量佛法聞甚深法而無驚畏信受不逆隨聞深法心淨不動是名第二菩薩真心又舍利弗若有人來到菩薩所作如是言若有人發無上道心應與一切衆生之樂今我則是第一苦人當先見與然後乃及一切衆生若是菩薩力能濟之而不肯與心生退沒作如是念我尚不能與此人樂何況能濟一切衆生當知是非真菩薩心若見求者心不退沒而起慈悲以爲快樂當知是爲真菩薩心舍利弗若與求者諸樂具時反被惡口罵詈毀辱心無恚礙但生慈悲給其所求既能如是調伏其心即時得除無量生死罪業因緣疾近佛道一一念中能攝無量無邊佛法是名菩薩深心方便志不可壞若是乞人惡口罵詈爾時菩薩又作是念此人則爲與我佛法以於是中不生瞋心即近佛道是名方便菩薩真心又舍利弗若有人來至菩薩所作如是言阿耨多

使六

九五

羅三藐三菩提其法甚難汝何能集一切佛法菩薩聞之心不退沒則生真心若聞是說心生易想是則名爲眞菩薩心又舍利弗若有人來語菩薩言若發阿耨多羅三藐三菩提者於己身命不得自在況復財物善男子汝今應當捨離是心勿於身命不得自在菩薩聞是便貪身命而生退沒當知此非眞菩薩心若聞斯事作如是念一切衆生戀惜身命老病死來必強侵奪又以惜自身命故起諸罪業因罪業故當墮惡道乃更不能守護我身我若貪惜守護身命起罪因緣墮諸惡道往來生死與彼愚人有何差別我今不應護惜身命但當貪惜如來智慧守護佛法爲度衆生勤行精進捨離貪愛諸煩惱等我今當爲無縛無脫而與衆生演說諸法思惟是已答彼人曰汝言身命不得自在法自應爾惜與不惜俱不自在咄哉仁者一切諸法皆空無主無所依止但從緣有若能如是正

觀法者當知是爲得善方便眞菩薩心又舍利弗若有人來語菩薩言汝發阿耨多羅三藐三菩提心今應爲我而作僕使菩薩答言我不獨爲汝作僕使我應給事一切衆生所以者何我爲一切衆生重擔受安隱擔不疲倦擔生善處擔能值佛擔聞佛法擔隨法行

擔得解脫擔是擔不令身心疲怠不自惱熱亦不惱仙人不自苦又不苦彼如汝所言我爲僕使汝須何等是人若言須汝身命菩薩應言我今亦不惱護身命但愍惜汝勿於一切空無有主無所依止如是法中生自在心而起罪業以是因緣墮諸惡道咄哉仁者不欲令汝起是罪緣墮諸惡趣我心如是若不信者常隨汝意若能如是不惜身命當知是爲真菩薩心即遠生死近無上道一切智慧教化衆生淨佛國土亦能增長自他善根舍利弗如持無價寶摩尼珠以火鍊之色隨發明治寶珠師大得財利是珠能出種種技能

使六

若有見者無不玩好而愛惜之舍利弗菩薩摩訶薩亦復如是能行一切諸法平等能示衆生眞菩薩心隨其所行善根明淨常爲諸佛之所護念無量衆生所可樂見一切世間諸天及人之所歸趣舍利弗譬如有人種植藥樹隨時溉灌障蔽風日令此藥樹漸增滋茂既生長已能滅衆生無量諸病爲老病者之所樂見菩薩摩訶薩亦復如是發阿耨多羅三藐三菩提心種諸善根爲佛智故一心求法障蔽魔事及諸煩惱於佛法中隨所造業漸得增長既增長已能壞無量無數衆生諸煩惱病能爲無量阿僧祇衆集智慧藥若作佛時有垢無垢一切衆生皆悉樂見一切世間諸天及人阿脩羅中最爲尊貴又舍利弗若有大來語菩薩言若發阿耨多羅三藐三菩提心是人當生大地獄中所以者何隨所度脫爾所衆生當應無量阿僧祇劫大地獄中代受諸苦然後當得佛無上智度脫衆

生汝若能作如是事者當求阿耨多羅三藐三菩提菩薩聞已心即退沒生難行想當知此非真菩薩心若聞是事生須臾想不久遠想能堪受想不退沒想作如是念若我以入地獄因緣令諸衆生得離勤苦成佛道者我則能爲一一衆生過於爾所阿僧祇劫大地

升七末

獄中受諸苦惱所以者何因是當得無比智

慧無比佛力佛無所畏亦得無比阿耨多羅

三藐三菩提能爲衆生設大法會施法寶分

若人聞是法寶分者得斷無量無數衆苦亦斷未來阿僧祇劫無量苦惱亦得無比離欲之樂是故我當堪任爲無量無數衆生一一代受地獄衆苦心不退沒而於是中生須臾想不久遠想能堪受想當知是爲真菩薩心

佛說華手經卷第六

使六

楞 反 即登 捷 疾也 謬 苗幼反 虞也 沮 才呂反 殆 不利也 嬌 奴鳥反 遠 遠音 鄉 鄉古定 反上 直 直也 瑕 遺音 鈍

漸 七始反 **下坑也** **城** **鳬鷹** 上音扶 **水鷗也** **菟** 奴侯反 **劬** 音衢 **挺特**
上亭反 **嬉** 許之反 **寢** 七錦反 **劫燒** 下詩爪之巧
蚊脛 上胡定反 **肺骨** 下 **鋌光** 上音既 **咄** 丁骨反 **漸**
灌 下古代反一音既 **貫澆** 沃也

佛說華手經卷第七

使七

姚秦三藏法師鳩摩羅什譯

得念品第二十三

佛告舍利弗汝復欲聞菩薩心不唯然世尊今正是時應當更說菩薩真心以是真心則能修集無上菩提佛告舍利弗乃往過去無

量無邊不可思議阿僧祇劫爾時有佛号德王明如來應供正遍知明行足善逝世間解無上士調御丈夫天人師佛世尊出現於世舍利弗是德王明佛聲聞大會八萬四千菩薩衆會數亦如是時彼聲聞一一會中八萬四千人皆得阿羅漢其諸菩薩一一會中八

徐僕